



御製怡賢親  
朕弟怡賢親  
悟絕倫如禮樂射御書數之屬  
一經肄習無不精妙入神而人  
所莫及而其心則謹抑遜讓  
欽然不自足也平日以作詩為



稿題辭

姿高卓韻

抒寫性情和平大雅無纖豪  
塵齋之氣而王自謙學力不  
充總未存稿是以王仙逝後  
邨中竟無留存者因憶昔年  
兄弟聚首特謔集唱和安以  
所此就正於朕朕扈從塞垣

王之間有寄懷  
句片緒寸  
得朕詩意而藏之今棄置

今檢點篋笥中得王詩三十  
二首爰彙為一帙附於朕訪  
集之法以存其聚此在王雖  
力餘事然自古名臣碩夫偶

有吟詠著述而後編刻簡而  
當時後世之人幾實重愛惜  
流傳教誦如慕世為人而不  
在篇什之繁富所謂詩以人  
重也至以不世出之名賢而有  
此清新俊逸之詞翰且忠孝

慈惠之意藉茲流露於草墨  
間吉光片羽豈惟朕心不忍  
湮沒諒上天下後世所共珍  
歟

雍正十二年六月既望高華

交輝園遺稿目錄

詩三十二首

恭祝

兄雍親王壽

奉和

兄雍親王早起寄都中諸弟兄韻

奉和

兄雍親王山居偶成元韻

奉和

兄雍親王春園讀書元韻

奉和

兄雍親王暮春元韻

恭讀

御製耕織圖詩敬成二律

春晝

鑾回恭迎敬賦

西山

試馬

奉和

兄雍親王二首

奉懷

兄雍親王隨

駕熱河避暑四首

泛舟呈

兄雍親王二首

月夜

西郊

圓明園讌集呈

兄雍親王四首

題畫六首

咏荷花

交輝園遺稿

和碩怡賢親王

恭祝

兄雍親王壽

朱邸筵開介壽時

九重恩眷集繁禧  
純誠自是承



歡本仁厚端為受福基三島露濃培玉樹  
小春風暖護瓊芝年年願傍青鸞隊拜獻  
南山祝嘏詞

奉和

兄雍親王早起寄都中諸弟兄韻

涼風習習捲紗帷花影剛隨日影移紈扇

罷揮知暑退袷衣初試覺秋遲喜聞魚鳥  
傳芳訊更捧珠璣慰遠思屈指郵亭迓歸  
騎洗塵先奉酒盈卮

奉和

兄雍親王山居偶成元韻

蓮漏無聲鳥不譁山中習靜味偏賒閒尋

交游園遺稿  
二  
別苑新栽竹坐數前溪未放花小嶺日高  
松影直方塘風過水紋斜太平盛世身多  
暇著屐携筇踏淺沙

奉和

兄雍親王春園讀書元韻

紫燕穿簾西復東一庭柳絮颺春風書開

緜帙迎新綠硯試端溪點落紅雨霽霞光  
明戶牖日斜香篆出房櫳分陰珍重攻文  
史益信前賢蘊不窮

奉和

兄雍親王暮春元韻

好景當三月紅雲點綠苔鶯啼垂柳外鶴

交輝閣遺稿  
三  
舞曲池隈麗藻毫端發薰風指上迴

堯階多雨露常棣四時開

恭讀

御製耕織圖詩敬成二律

歷歷三時況如陳七月篇秋雲青甸裏春  
雨綠疇邊

聖政先無逸

皇心重有年孜孜宵旰意總向畫圖傳

玉帛梯航遠山龍繪繡工豈知寒女事猶

入

睿吟中勤儉昭淳俗勞思愛古風

垂裳開至治衣被萬方同

春書

物候深春好遲遲景漸長柳塘春水綠花  
雨小簾香波暖看魚躍泥融喜燕忙熙然  
俱自得游泳賴

軒皇

鑾回恭迎敬賦

紫塞回

鑾近瞻依隔半年記從初夏候又及小春  
前村落豐收好郊原霽景妍  
聖躬多悅豫喜共萬方傳

西山

霽色來西爽雲端見遠峯翠含新雨重青

愛晚烟濃逸興登山屐清音隔寺鐘何時  
探勝跡泉石紀遊踪

試馬

名驥來天廐翩翩過苑門風輕朱鬣動沙  
淺碧蹄翻縱有馳驅力寧酬豢養恩長嘶  
頻顧影矢志效騰騫

奉和

兄雍親王二首

山翁家在白雲中鶴髮蕭疎坐晚風門徑  
掃時幽蘚碧杖藜扶處落花紅

山翁

漁翁常占蓼花灣俯仰心同白鷺閒放艇  
有溪皆入畫得魚無日不開顏

漁翁

奉懷

兄雍親王隨

駕熱河避暑四首

清暑山莊近塞垣年年扈蹕羨承

恩林亭水殿雲霞裏日侍

天顏笑語溫

沙隄雨過淨無埃深柳陰中輦路開風動

葛衣香滿袖

行宮清曉問

安回

墨池香霧湧波濤落紙雲烟格總高

指授親承應更進彤軒長晝侍

文苑圖選  
揮毫

磬峯高聳片雲留萬木蕭森白露秋屈指  
回鑾期已近趨陪欣喜話前遊

泛舟呈

兄雍親王二首

曲嶼平橋掩映重蘭舟蕩漾意從容花香

午送和風暖草色朝含瑞露濃

輕舟容與碧溪潄灑清波幾許深塵念  
到來消已盡始知山水有清音

月夜

虛廊宴坐夜沈沈偶得新詩喜獨吟萬籟  
無聲風不動一輪明月印波心

西郊

夾道千行御柳斜  
青青芳草襯晴沙  
春風十里西郊路  
開遍墻頭處處花

圓明園讌集呈

兄雍親王四首

綠水名園倚絳霄  
歡聯華萼應嘉招  
躋攀

不盡登臨興  
閭苑蓬壺路未遙

西山泉水入池新  
池上松篁翠色勻  
瑤島

靜涵千頃綠瓊林  
長護一園春

芝榜高題

御墨鮮陽春  
烟景浩無邊  
圓通妙諦誰能  
會一片光明照大千



路入仙源迥不同披襟面面受和風向榮  
花木欣欣意同在

堯天長養中

題畫六首

參差遠勢望難分筆底烟嵐迥不羣千澗  
泉聲千澗雨萬重山色萬重雲

赤欄橋外柳參參千樹桃花一草庵正是  
春光三月裏依稀風景似江南

片月銜山出遠天笛聲悠颺晚風前白鷗  
浩蕩春波濶安穩輕舟淺水邊

碧海三山入望賒金銀宮闕映丹霞生身  
只合蓬萊住桃實千年又著花

文苑圖遺稿  
十一  
前村後舍意相親  
社飲團圍襍笑嗔  
此是昇平真景色  
收來畫裏更精神

瑶圃瓊臺玉作田  
高人策蹇灞橋邊  
詩成自為豐年喜  
沽酒尋梅亦偶然

咏荷花

銀塘珠露月三更  
風靜荷香遠益清  
為是

出塵心不染  
亭亭獨立迥含情



--	--	--	--	--	--	--	--	--	--



